

ORGANI SHQYRTUES I PROKURIMIT

Sipas Nenit 109 të Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092

Një ankesë kundër: **Ministria e Ekonomisë dhe Ambientit**

Për Aktivitetin e Prokurimit:

Nr ¹ i prokurimit	213-20-5340-5-1-1
Nr i brendshëm	213 20 014 511

Sa i përket tenderit për: **“Renovimi i ndërtesës për nevojat e Qendrës për Ekselencë Dixhitale”.**

ANKESË

1. Identifikimi i ankuesit*

ALFA.I SH.P.K

(Shëno emrin e plotë të kompanisë suaj)

Rr. Ibrahim Rugova pn.

(Adresa)

Lipjan

14 000

(Vendi)

(Kodi postar)

00383 38 606 706

N/A

(Numri Telefonit)

(Numri i Faks-it)

Lulzim JAHAJ


(Emri i plotë i përfaqësuesit të kompanisë suaj)

info@alfa-i.com

(Adresa elektronike)

11.12.2020

(Data e parashtrimit të ankesës)



*Ankues do të thotë një palë e interesuar për parashtrim të ankesës.

2. Identifikimi i avokatit

Parashtruesi i ankesës mund ta parashtroj ankesën vetëm ose përmes avokatit të tij. Nëse ankesa parashtrohet përmes avokatit, atëherë duhet bashkangjitur autorizimin e përfaqësimit me PROKURË.

Shëno të dhënat si në vijim:

(Emri i avokatit)

(Adresa e plotë)

(Numri i Telefonit)

(Numri i faks-it)

(Adresa elektronike)

(Data e parashtrimit të ankesës)

(Nënshkrimi dhe vula)

3. Të dhënat mbi aktivitetin e prokurimit

[Shëno një përshkrim të shkurtër lidhur me datën dhe vendin në të cilën është publikuar "Njoftimi për Kontratë" apo "Njoftimi për konkurs të projektimit" dhe, nëse aplikohet "Njoftimi për dhënie të Kontratës", "Njoftimi për Rezultatet e Konkursit të Projektimit" apo "Njoftimi për anulim të aktivitetit të prokurimit", nëse aplikohet, afatin e fundit për dorëzimin e tenderit, datën dhe orën e fillimit të procesit për Hapjen e Tenderëve, si dhe kriteri për dhënie të kontratës]:

Njoftimi për Kontratë: 15.09.2020

Afati i fundit për dorëzimin e tenderit: 03.11.2020

Njoftimi mbi vendimin e AK: 26.11.2020

Kërkesa për rishqyrtim dt. 01.12.2020

Vendimi për refuzim të kërkesës për rishqyrtim: 02.12.2020

4. Procesi i Hapjes së tenderëve, nëse aplikohet

A keni marrë pjesë në procesin e Hapjes së tenderëve? Nëse po, specifikoni shkurtimisht ecurinë e procesit të Hapjes së Tenderëve.

Po ☐

Jo ☒

5. Njoftimi mbi Eliminimin e Tenderuesve, nëse aplikohet

A jeni njoftuar me shkrim lidhur me eliminimin tuaj nga pjesëmarrja e mëtutjeshme në aktivitetin e prokurimit ?

Po ☒

Jo ☐

6. Zgjidhja preliminare e mosmarrëveshjeve

A keni bërë kërkesë për rishqyrtim pranë AK lidhur me arsyet e eliminimit tuaj?

Po ☒

Jo ☐

Me dt. 01.12.2020 kemi dorezuar Kërkesen për Rishqyrtim tek AK-ja.

7. Dispozitat e shkelura nga Autoriteti Kontraktues

Specifikoni dispozitën ose dispozitat e LPP-së që supozohet të jenë shkelur nga Autoriteti Kontraktues që nga momenti i publikimit të Njoftimit për Kontratë/Konkurs të Projektimit, dhe nëse aplikohet gjerë në përmbylljen e këtij aktiviteti të prokurimit me publikimin e Njoftimit për Dhënie të Kontratës apo Njoftimit për Rezultatet e Konkursit të Projektimit apo Njoftimit për Anulim.

Neni 1 i LPP-së
Neni 6 i LPP-së
Neni 7 i LPP-së
Neni 59 i LPP-së
Neni 60 i LPP-së
Neni 62 i LPP-së
Neni 72 i LPP-së
Neni 44.5 i RRUOPP-së.

*** Sipas Nenit 118 të LPP, OSHP-ja do të kthejë tarifën tuaj nëse ankesa aprovohet si e bazuar. OSHP-ja mund të kërkojë një gjobë shtesë deri në 5,000 Euro në rastet kur OSHP-ja konstaton që të gjitha apo cilado nga pretendimet e parashtruara në ankesë kanë qenë të rrejshme ose mashtruese.*

8. Deklaratë detale mbi faktet dhe argumentet

Përshkruani rrethanat faktike që përbëjnë supozimin për shkeljen e dispozitave të LPP-së. Ofroni deklaratë të qartë dhe të detajuara për faktet dhe argumentet të cilat mbështesin secilën bazë të ankesës tuaj.

Të nderuar, ne me dt. 26.11.2020 në platformën elektronike të prokurimit kemi pranuar njoftimin mbi vendimin e AK-së ku na ka shpallur si tenderues të eliminuar më arsyetimin se "1. Te kriteret e vendosura në dosjen e tenderit tek Kapaciteti Teknik dhe Profesional; pika 4, z. Ramiz Selmani, nuk ka përvojë sipas kërkesës së FDT-së. 2. Te kriteret e vendosura në dosjen e tenderit tek Kapaciteti Teknik dhe Profesional; pika 15, znj. Nafije Gashi, nuk keni ofruar certifikatën për Isbem-xk sipas kërkesës së FDT-së. 3. Te kriteret e vendosura në dosjen e tenderit tek Kapaciteti Teknik dhe Profesional; pika 16, nuk gjendet asnjë dokument për z. Petrit Krasniqin, të cilin e keni caktuar në listën e stafit tuaj profesional. 4. Te kriteret e vendosura në dosjen e tenderit tek Kapaciteti Teknik dhe Profesional; pika 18 nuk gjendet asnjë dokument për z. Ramadan Gashin, të cilin e keni caktuar në listën e stafit tuaj profesional. 5. Te kriteret e vendosura në dosjen e tenderit tek Kapaciteti Teknik dhe Profesional; pika 5, 6, 8, 12, 13, dhe 14, për të gjithë këto persona të angazhuar në këto pika, nuk keni ofruar noterizimet nga vetë personat ashtu siç është kërkuar në FDT", ndërsa e ka anuluar këtë aktivitet të prokurimit me arsyen se asnjë tender i përgjegjshëm nuk është pranuar për këtë projekt.

Në lidhje me arsyen e parë të AK-së për eliminimin tonë nga ky aktivitet i prokurimit përkritazi me inxhinierin z. Ramiz Selmani të prezantuar nga ana jonë, ju sqarojmë se arsyetimi i AK-së për inxhinierin e lartcekur për menaxhim të emergjencave është i pa bazuar dhe nuk qëndron pasi që inxhinieri i prezantuar nga ne e përmbush kërkesën prej 3 viteve përvojë pune pas diplomimit. Ne në lidhje me inxhinierin e lartcekur i kemi prezantuar edhe dëshmitë e kërkuara të cilat nëse do të analizoheshin në tërësi nga ana e AK-së, shihet shumë qartë se inxhinieri i lartcekur e përmbush kërkesën në lidhje me përvojën 3 vjeçare pas diplomimit.

Andaj duke u bazuar në faktet e lartcekura shihet qartë se konstatimi i AK-së është i pa bazuar dhe kërkojmë nga ju që të detyroni AK që ti rishikoj edhe njëherë dëshmitë e prezantuara nga ne në lidhje me inxhinierin për menaxhimin e emergjencave z. Ramiz Selmani.

Sa i përket arsyes së dytë të AK-së për eliminimin tonë nga ky aktivitet i prokurimit ku e ka cekur se te kriteret e vendosura në dosjen e tenderit tek Kapaciteti Teknik dhe Profesional; pika 15, znj. Nafije Gashi, nuk keni ofruar certifikatën për Isbem-xk sipas kërkesës së FDT-së. Ju sqarojmë se edhe ky arsyetim i AK-së për eliminimin tonë nga ky aktivitet i prokurimit është tërësisht i paqëndrueshëm për faktin se ne e kemi dorëzuar të gjithë dokumentacionin për znj. Nafije Gashi, dokumentacion i cili është i tëri sipas kërkesës së FDT-së dhe të njoftimit për kontratë.

Pra ne për znj. Nafije Gashi i kemi prezantuar të gjitha dëshmitë të cilat janë konform kërkesës së FDT-së dhe të njoftimit për kontratë, gjithashtu arkitektja e prezantuar nga ne është e certifikuar për softverin Isbem-xk në vlerësimin e performancës së energjisë në ndërtesa, të cilën certifikatë ne edhe e kemi prezantuar në ofertë, mirëpo është për tu habitur fakti se si AK-ja ka konstatuar se ne nuk e kemi ofruar certifikatën e lartcekur. Me këtë veprim të AK-së po krijohet përshtypja se nuk i ka analizuar fare dëshmitë e prezantuara nga ne në lidhje me znj. Nafije Gashi.

Limited Liability Company

alfa.i
Construction - Engineering & Trade

Gjithashtu edhe arsyeja tjetër e AK-së për eliminimin tonë në lidhje me z. Petrit Krasniqin nuk qëndron dhe është e pa bazuar pasi që përderisa figuron emri i tij në listën e prezantuar nga ana jonë, AK-ja nëse ka pasur ndonjë dilemë në lidhje me inxhinierin e elektroteknikës të prezantuar nga ne ka mundur të kërkojë sqarime shitesë në bazë të dispozitave të nenit 59.2 dhe 72 të LPP-së dhe ne do të ju kishim ofruar sqarimet e nevojshme, mirëpo që një veprim të tillë nuk është bërë nga ana e AK-së.

Andaj duke u bazuar në faktin e lartcekur shihet qartë se arsyeja e lartcekur e AK-së për eliminimin tonë nga ky aktivitet i prokurimit është tërësisht e pa bazuar.

Gjithashtu edhe arsyeja tjetër e AK-së për eliminimin tonë nga ky aktivitet i prokurimit në lidhje me z. Ramadan Gashi ne e kemi sqaruar edhe në kërkesën e AK-së për sqarime shitesë në lidhje me inxhinierin e makinerisë se ka ndodhur vetëm një lëshim drejtshkrimor nga ana jonë pasi që e kemi ngatërruar emrin e z. Sherif (Ramadan) Gashit ku në vend të tij e kemi vendosur emrin Ramadan Gashi i cili është emri i prindit të z. Sherif Gashit. Mirëpo AK-ja nuk i ka marrë fare parasysh sqarimet e prezantuara nga ana jonë, veprim ky nga ana e AK-së që po na krijon përshtypjen se AK-ja nuk i ka analizuar fare sqarimet e prezantuara nga ana jonë.

Pra edhe kjo arsye e AK-së për eliminimin tonë nuk qëndron dhe është e pa bazuar për faktin e lartpërmendur.

Sa i përket arsyes tjetër të AK-së për eliminimin tonë, ku e ka cekur se te kriteret e vendosura në dosjen e tenderit tek Kapaciteti Teknik dhe Profesional; pika 5, 6, 8, 12, 13, dhe 14, për të gjithë këto persona të angazhuar në këto pika, nuk keni ofruar noterizimet nga vetë personat ashtu siç është kërkuar në FDT, ju sqarojmë se ky arsyetim i AK-së është krejtësisht i pa bazuar dhe nuk qëndron për faktin se ne e kemi prezantuar autorizimin e personave në fjalë për të noterizuar dokumentacionin në emër të tyre.

Nëse analizohet oferta jonë në tërësi shihet qartë në dokumentet e prezantuara nga ne shihet edhe autorizimi ku autorizohet z. Lulzim Jahaj të bëjë noterizimin e dokumenteve si diplomat, certifikatat për dhe në emrin e personave të angazhuar në lidhje me pikat e lartcekura sikur të e kishin noterizuar vetë. Andaj me këtë veprim të AK-së shihet qartë se AK-ja nuk i ka analizuar në tërësi të gjitha dëshmitë dhe dokumentet e prezantuara nga ne, mirëpo me çdo kusht është mundur të na eliminojë nga ky aktivitet i prokurimit.

Duke u bazuar në të gjitha dëshmitë dhe faktet që u cekën më lartë kërkojmë nga ju që të detyroni AK që të rishqyrtoj njoftimin mbi vendimin e AK-së dhe që të analizoj në detaje secilin dokument tonin të ofruar dhe të vë në përfundime të sakta dhe të drejta në lidhje me ofertën tonë sepse shumë qartë kuptohet dhe vërtetohet se ne i kemi plotësuar të gjitha kërkesat e FDT-së dhe të njoftimit për kontratë.

Pra duke i pasur parasysh të gjitha faktet në lidhje me kronologjinë dhe ecurinë e këtij aktiviteti të prokurimit, rezulton se AK-ja e ka anuluar pa bazë këtë aktivitet të prokurimit dhe në kundërshtim me nenin 62 të LPP-së sepse nuk janë përmbushur asnjëra nga kushtet e parashikuara në këtë dispozitë.

Ne me dt.02.12.2020 kemi marrë përgjigje në kërkesën për rishqyrtim ku autoriteti kontraktues ka deklaruar se refuzohet kërkesa për rishqyrtim, mirëpo nuk ka dhënë asnjë përgjigje konkrete dhe ligjore në pretendimet tona ankimore.

Sa i përket arsyes së refuzimit të kërkesës tonë për rishqyrtim nga ana e AK-së, ju sqarojmë se AK-ja nuk ka dhënë ndonjë arsye konkrete në lidhje me pretendimet tona ankimore, mirëpo vetëm i ka përsëritur arsyet e njëjta sikurse në njoftimin mbi vendimin e AK-së. Nga ky veprim i AK-së shihet qartë se pretendimet tona ankimore janë të bazuara, pasi që nëse këto pretendime nuk do të qëndronin AK-ja do ti dëshmonte me fakte se pse nuk qëndrojnë pretendimet tona ankimore, mirëpo që një veprim të tillë nuk e ka bërë. Pra përderisa ne i kemi prezantuar dëshmitë dhe faktet tona AK-ja është dashur ti analizojë në tërësi. Mirëpo që nuk është mundur fare ti arsyetojë pretendimet tona ankimore, ku vetëm i ka përshkruar arsyet e eliminimit dhe e ka cekur se oferta jonë është e papërgjegjshme, mirëpo që nuk e ka ofruar asnjë dëshmi konkrete që tregon papërgjegjshmërinë tonë.

Ndërsa sa i përket njoftimit të AK-së ku e ka cekur se ky projekt tash është tërhequr nga kodi ekonomik, financiar, ju sqarojmë se ky njoftim i AK-së është i pa bazuar dhe nuk qëndron për faktin se nuk është prezantuar asnjë dëshmi që tregon që ky projekt është tërhequr nga kodi ekonomik dhe financiar. Pasi që nëse do të ishte tërhequr ky projekt nga kodi ekonomik dhe financiar, atëherë AK-ja do të prezantonte ndonjë dëshmi që e vërteton këtë fakt, mirëpo që një dëshmi e tillë nuk është prezantuar.

Duke u bazuar në dëshmitë dhe faktet që u cekën më lartë rezulton se ekzaminimi vlerësimi dhe krahasimi i tenderëve nuk është bërë në harmoni me nenin 59 të LPP-së dhe njëkohësisht nuk është respektuar edhe kriteri kryesor për dhënie të kontratës, e që ka qenë tenderi i përgjegjshëm me çmim më të ulët sipas neni 60 paragrafi 1.1 i LPP-së.

Gjithashtu AK-ja nuk e ka respektuar edhe nenin 7 të LPP-së, sepse na ka diskriminuar neve duke mos na shpallur fitues edhe pse i kemi plotësuar të gjitha kërkesat e FTD-së dhe të njoftimit për kontratë. Paragrafi 1 i nenit 7 të LPP-së e parasheh qartë që "Autoriteti kontraktues do ti trajtoj operatorët ekonomik në mënyrë të barabartë dhe jo-diskriminuese dhe do të veprojë në mënyrë transparente. Po ashtu paragrafi 6 i nenit 7 të LPP-së e parasheh që Gjatë udhëheqjes së aktiviteteve të prokurimit, të gjitha autoritetet kontraktuese do të sigurojnë; që (vi) që tenderi i zgjedhur të përputhet me të gjitha aspektet përmbajtësore të kushteve, kriterëve dhe specifikimeve përkatëse, mirëpo AK-ja nuk i është përmbajtur as kësaj dispozite ligjore, pasi që tenderi jonë ka qenë në përputhje me aspektet përmbajtësorë të tenderit, mirëpo AK-ja nuk na ka rekomanduar për kontratë.


Gjithashtu ky anulim i këtij aktivitet të prokurimit është bërë në kundërshtim edhe me nenin 44.5 të Rregullave dhe Udhëzuesit Operativ për Prokurim Publik (RRUOPP), sepse asnjëri nga kushtet e parashikuara në këto dispozita nuk janë përmbushur në këtë rast dhe nuk ka asnjë mundësi ligjore që ky aktivitet i prokurimit të anulohet në këtë fazë.

AK-ja është dashur ta ketë në konsideratë edhe nenin 1 të LPP-së, pasi që dihet se qëllimi i këtij ligji është të sigurojë mënyrën më efikase, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë.

Duke u bazuar në dëshmitë dhe argumentet që u cekën më lartë, kërkojmë nga OSHP, që të merr:

VENDIM

APROVOHET, si e bazuar ankesa e OE "ALFA.I SH.P.K"



ANULOHET, njoftimi dhe vendimi i AK-së për anulimin e këtij aktiviteti të prokurimit dhe lënda kthehet në

RIVLERËSIM dhe gjatë rivlerësimit, ekzaminimi, vlerësimi dhe krahasimi i ofertave të bëhet në harmoni me kërkesat e dosjes së tenderit, njoftimit për kontratë dhe konform dispozitave të LPP-së.

Nëse nuk merren parasysh faktet tona, ne jemi të detyruar të vazhdojmë procedurën ligjore në institucionet tjera kompetente.

9. Dëmet materiale

Përshtetja mënyrën se si shkelja e supozuar i ka shkaktuar ose kërcënohet t'i shkaktojë dëme materiale parashtruesit të ankesës, ne rast se përfshini pretendime për kompensim.

Neve si Operator Ekonomik na janë bërë dëme materiale për përgatitjen dhe dorëzimin e ofertës, për kërkesën për rishqyrtim në vlerë prej 5,000.00 euro.

10. Lista e dokumenteve (dëshmime) të bashkangjitura

Nëse aplikohet, bashkëngjithi kërkesës dokumentet e renditura më poshtë:

- a) një kopje të publikimit të "Njoftimit për Kontratë" apo "Njoftimit për Konkurs të Projektimit."*
- b) një kopje të publikimit për "Njoftimin e Dhënies së Kontratës" apo "Njoftimin për Rezultatet e Konkursit të Projektimit" apo "Njoftimit për Anulim".*
- c) një kopje të letrës së eliminimit të tenderuesit/kandidatit/ letrës se tenderuesit të pasuksesshëm/ letrës për mos para-kualifikim.*
- d) një kopje të procesverbalit të hapjes publike të tenderëve, nëse aplikohet,*
- e) bashkëngjit një kopje të vendimit të miratuar nga AK gjatë kontekstit paraprak të zgjidhjes së mosmarrëveshjeve në përputhje me nenin 108A të LPP-se,*
- f) Dëshminë e pagesës së tarifës së ankimit në përputhje me nenin 118 të LPP-se, dhe*
- g) të gjitha korrespondencat e juaja me autoritetin kontraktues duke përfshirë e-mailat si dhe çdo informatë të shkruar që ka të bëjë me këtë aktivitet prokurimi, si dhe me secilin pretendim të paraqitur në ankesë.*

****Sipas Nenit 111.2 të LPP, Parashtruesi i ankesës, origjinalin e ankesës do t'ia dorëzojë OSHP-së dhe njëkohësisht një kopje do t'ia dërgojë në mënyrën më të shpejtë të mundshme Autoritetit Kontraktues.*